

# Yëkkuö tsá kit Juan tö

## 1 Juan

Yëkkuö i' kit Jesús ttekölpa tsá e' eköl kiè Juan e' tö. Ie' tö ikit Jesús mik erblökwakpa serke Asia e'pa a. I'ñe ta ká e' kiè Turquía. Ie' tö ikit etá ie' dewatke kékëla. Nies yëkkuö skà kit ie' tö döká tkël, e' böt dör tsitsir, böt dör blublu. Yëkkuö blublu e' et kiè 'Jesús Tté Buaë kit Juan tö' ena iët kiè 'Ì Kkayë' Jesucristo tö Juan a e' Pakè.'

Skëköl éna Jesús mik erblökwakpa dalër taië ena íyi taië buaë o' ie' tö ie'pa a Jesucristo batamik, e' pakè Juan tö yëkkuö i' kî. Nies ie' tö iché tö mik se' ñi dalëritsöke etá se' wá ijcher tö Skëköl dör se' wák, e' kuëkî se' kawötá ñi dalëritsök.

E' kîie ta ie' tö yëkkuö i' kit Jesús mik erblökwakpa a s'wöbla'ukwakpa kache tté wa esepa biyó choie. Ie'pa tö s'wöbla'wëke tö Jesús kè dör wës s'ditsö es. Ie'pa tö iché tö ie' wër se' sù erë kè idör se' es. Jesús mik erblökwakpa kè kàne ie'pa ttò ttsök. Ie'pa dör s'kítò'ukwak. Skëköl Wiköl e' je' tö Skëköl ena ilà Jesucristo e'pa tté mokî e' kkacheraë se' a. Es Juan tö iché yëkkuö i' kî.

### Sene michoë mukwak

**1** <sup>1</sup>Itso' eköl dör ttè tö sene michoë meke se' a e'. E' tté pakeke ye' tö a' a yëkkuö i' kî. Tsawemi ta ie' tso'tke, erë i'ñe ta sa' tö iché a' a tö ie' ttò ttsé' sa' tö, ie' su' sa' tö ena ì o' ie' tö e' su' sa' tö, ñies ie' ka' sa' tö sa' ulà wa. <sup>2</sup>Ie' dör sene michoë mukwak, e' patkë'bitü S'yé tö ká i' a s'ditsöie e' kkachök se' a, e' su' sa' tö. E' kuëkî sa' tö ie' ttè mokî e' pakeke a' a. Sa' tö iché a' a tö ie' tö sene michoë meke se' a. Ie' bak S'yé ta ñita kuaë kekraë, erë S'yé tö ie' kkayë' sa' a. <sup>3</sup>Es ie' su' sa' tö, ittò ttsé' sa' tö, e' tté pakeke sa' tö a' a i' ta as a' bàtswá sa' mik wës sa' batsulewá S'yé mik ena ilà Jesucristo mik es. <sup>4</sup>Yëkkuö i' shteke sa' tö a' a as a' ttsé'r buaë mokîë.

### Sene yësyësë

<sup>5</sup>Ttè wa Jesucristo tö sa' wöbla'ö, e' wà pakeke sa' tö a' a, e' dör i': Skëköl dör buaë yësyësë, kè kî ì sulu ta' wës ká ñi kè a' ká ttsetse ta' es.

6E' kuəkī se' e' chò tò se' batsulewà ie' mik, erè se' tso'ia à sulu wamblök, e' ta se' tso' kachök. Se' kè tò ttè mokī e' iuteku'. E' dör wes se' serkeia ká ttsetse a es. 7E' skéie, se' serke yësyësë wes ie' ser yësyësë es, e' ta se' bàtse buaë ñi mik. Ñies ie' alà Jesucristo, e' pé wa se' pairirke se' nuì kōs e' ki.

8Se' e' chò tò se' kè tò à sulu wamblëta', e' ta se' wák e' kitò'uke, ñies ttè mokī kè ku' se' er a. 9Erè Skëköl ttò mokīë ena ie' dör yësyësë. E' kuəkī se' e' kkatéka ie' a, e' ta se' nuì olo'yeraëitò se' ki, ñies sene sulu nuì kōs paikleraëitò se' er a. 10Se' e' chò tò se' kè tò à sulu wamblëta', e' ta se' tso' ichök tò Skëköl kachōta', ñies iwënewa tò ie' ttè kè ku' se' er a.

**2** 1A' ye' ala'rla, ye' tso' ttè ikkè shtök a' a as a' kè tò à sulu wamblö. Erè se' wele tò à sulu wamblé, e' ta s'tsátkökwa tso' eköl S'yé ska', e' dör Jesucristo dör yësyësë e'. 2Jesucristo e' me'ttsa ttëwà se' skéie sene sulu nuì olo'yoie se' ki. Erè ie' kè kōtëwà se' è nuì ki, ñies ie' kōtëwà ká ulitane wakpa nuì ki.

### Se' kawōta ñi dalëritsök

3Skëköl ttè dalöieno e' dalöiekesö, e' ta e' wa se' wà ijcher buaë tò se' bàtse ie' mik. 4Yi e' chò: “Ye' bàtse buaë Skëköl mik”, erè ese kè tò ittè dalöieku', e' ta ie' tso' kachök, kè ittò mokī. 5Erè yi tò ie' ttè dalöieke, ese je' éna ie' dalër mokīë. Es se' wà ijcher tò se' batsulewà ie' mik. 6Yi e' chò: “Ye' tkérie Skëköl mik”, ese ké senuk wes Jesucristo sene' es.

7A yamipa dalër taië ye' éna, ttè dalöieno shtekeyö a' a i', e' kè dör ttè pa'alī a' a. Tsawe ta ttè e' yënebak a' a. Ttè e' meneat ká iaiaë, e' ttsëuletke a' wà, e' dör i': se' kawōta ñi dalëritsök. 8Ttè e' meneat ká iaiaë, erè e' kèwö ska' ta se' er tso'ia wes ká ttsetse a es, e' kuəkī kè se' éna iwà ane buaë. Erè i'ñe ta se' er a ká ñirketke Cristo ttè mokī e' kuəkī. Wes Cristo éna se' dalëne, ñies wes a' ñi dalër, e' wa iwër wësua tò ttè e' dör pa'alī.

9Yi e' chò: “Cristo ttè tò ye' er ñi'wé”, erè ese éna iyami ar suluë, e' ta ie' er kam ñir, ie' er tso'ia ká ttsetse a. 10Erè yi éna iyami dalër mokī, ese er a ká ñine buaë, kè à tò ie' epamine sene sulu a. 11Erè yi éna iyami ar suluë, ese er tso'ia ká ttsetse a. Ie' e' wamblö suluë, kè ie' wà ijcher à dör suluë. Ie' dör wes s'shköke ká ttsetse a es. Ká ttsetse kè tò ie' kawö mè ká sauk, e' kuəkī kè ie' wà ijcher wé ie' mîrö.

### A' kè kàne er mukwà à kōs tso' ká i' a ese ki

12A ala'rla, a' nuì kōs olo'yane a' ki Jesús batamik, e' kuəkī ye' tso' yëkuö i' shtök a' a. 13A' dör kékëpatke, a' bàtse Jesús tso'tke tsawe ta e' mik, e' kuəkī ye' tso' yëkuö i' shtök a' a. A duladulapa, a' e' ali'ka bé ki, e' kuəkī ye' tso' yëkuö i' shtök a' a.

A ala'r, a' dör wes ye' ala'rla es, a' bàtse S'yé mik, e' kuəkī ye' tso' yëkuö i' shtök a' a. 14A' dör kékëpatke, a' bàtse Jesús tso'tke tsawe ta

e' mik, e' kuək̄i ye' tso' yëkküö i' shtök a' a. A duladulapa, a' e' tkéwa darërë Skëköl ttë a, e' tso' a' er a, ñies a' e' ali'k̄a bé ki, e' kuək̄i ye' tso' yëkküö i' shtök a' a.

<sup>15</sup>Kè a' er mukw̄a k̄á i' k̄i ena ì tso' ik̄i ese k̄i. Yi er méwa ik̄i ese kè éna S'yé dalërta'. <sup>16</sup>¿Ì tso' k̄á i' a? E' dör ì k̄os tō s'wák dër sulu tts'ëweke buaë ese. Ñies e' dör ì k̄os wa s'wöbatsö kkechekesö taië ese. Ñies e' dör iyi tso' se' w̄a wa se' e' ttsòka taië ese. Ýi ekkè k̄os tso' k̄á i' a, ese kè menebitu S'yé w̄a se' a, e' datse ì sulu tso' k̄á i' a ese w̄a. E' kuək̄i kè se' er mukw̄a iyi ekkè k̄i. <sup>17</sup>Ká i' erkewatke, ñies ì sulu k̄os tso' ik̄i tō se' erküöweke ese erkewatke. Erë wépa tō ì kiane Skëköl k̄i ese weke, esepa ser michoë.

<sup>18</sup>A ye' ala'rla, k̄á i' erkewa e' k'éwö döketke. A' éna iane tō sa' tō a' a iyé' tō mik k̄á i' erkewatke, et̄a eköl idatse kiè Cristo Bolök. Es i'ñe ta' tō isueke tō taië Cristo bolökpa tso', e' kuək̄i se' w̄a ijcher tō k̄á i' erkewa e' k'éwö döketke. <sup>19</sup>Ie'pa bak se' éltépa ta, erë ie'pa e' yélurne. E' wa iwënew̄a tō ie'pa kè dör mok̄i se' éltépa. Ie'pa chópa se' éltépa mok̄i, e'ma ie'pa tso'ia se' ta. Erë ie'pa e' yélurne, e' wa iwënew̄a wöshak tō ie'pa kè dör se' éltépa.

<sup>20</sup>Cristo dör yi dör batse'r ichökle, e' tō a' batse'wé Wiköl Batse'r wa, e' kuək̄i a' w̄a Cristo ttë mok̄ië e' jcher. <sup>21</sup>Ye' tso' yëkküö i' shtök a' a, e' w̄a kè dör tō a' kè w̄a Cristo tté jcher. E' skéie a' w̄a ie' tté jcher buaë, e' kuək̄i ye' tso' yëkküö i' shtök a' a. A' w̄a ijcher tō kachökwakpa kè tō tté mok̄i paketa'. <sup>22</sup>Et̄a ¿wépa dör kachökwakpa? Wépa tō icheke tō Jesús kè dör wé pairine'bitu idi' wa s'blúie e', esepa dör kachökwakpa. Esepa dör Cristo bolökpa, ie'pa tō S'yé ena ilà watéttsa e' kuək̄i. <sup>23</sup>Wépa tō icheke tō Cristo kè dör Skëköl Alà, esepa tso' ie' watöktsa, ñies ie'pa tso' S'yé watöktsa. Erë wépa tō icheke tō Cristo dör Skëköl Alà, esepa tso' buaë S'yé ta.

<sup>24</sup>Cristo tté mok̄i ttsé' a' tō mik a' tō iklöo' tsawe ta, e' seú a' er a kekraë. E' wé a' tō es, e' ta' a' serdaë batsulew̄a S'yé ena ilà mik kekraë. <sup>25</sup>Ì muk Jesucristo kablë' se' a' e' dör i': sene michoë e'.

<sup>26</sup>Ye' tso' yëkküö i' shtök a' a as a' e' kkö'nü s'k̄itö'ukwakpa yöki. <sup>27</sup>Erë Cristo tō a' batse'wé Wiköl Batse'r wa, e' tso'ie a' a, e' kuək̄i ye' w̄a ijcher tō ie'pa kè tō a' k̄itö'wepa. Wiköl Batse'r mène a' a, e' tō a' er ñi'weke as tté ikkè k̄os w̄a ar buaë a' éna. Ttë wa ie' tō a' wöbla'weke, e' dör tté mok̄i, kè dör kache. E' kuək̄i a' kè k̄i ikiane tō yi skà bitu' a' wöbla'uk. Es a' senú batsulew̄a Cristo mik wës Wiköl Batse'r tō a' wöbla'weke es.

#### A' kè e' muktsa e' k̄itö'uk yi a' ì sulu wambloie

<sup>28</sup>A ala'rla, a' senú batsulew̄a Cristo mik kekraë as a' kè suar ena a' kè jaër ie' wörki mik idatskene et̄a.

<sup>29</sup>A' w̄a ijcher tō Cristo ser yësyësë, e' kuək̄i a' w̄a ijcher ñies tō wépa serke yësyësë, esepa dör Skëköl ala'r.

**3** <sup>1</sup>A' ittsō tò wəkəkē Skəkōl dōr S'yé e' éna se' dalēr, ie' tò se' kiè iwāk ala'r. Mokī se' detke ie' ala'rie. Erē wépa kè tò ie' dalöiè, esepa kè e' batsotā' ie' mik, e' kuəkī ie'pa kè éna iwà әне tò se' dōr ie' ala'r. <sup>2</sup>A yamipa dalēr taijē ye' éna, i'ñe tã se' tso'tke Skəkōl ala'rie, aishkuō tã ie' tò se' mane'weraē bua'ie, erē kam se' éna iwà ar tò wes se' maneormi. Mik Cristo datskene, eta se' tò ie' wák sueraē, e' kuəkī se' wã ijcher buaē tò se' dōraē wes ie' wák es. <sup>3</sup>Wépa kos tso' ttē e' wà panuk, esepa e' batse'uke senoiē yēsýēsē wes Cristo ser es.

<sup>4</sup>Yi tò Skəkōl ttē dalöiēno e' dalösewəkewā, ese tò ì sulu wambleke. E' kuəkī wépa tò ì sulu wamblekeiā, esepa tò Skəkōl ttē dalöiēno, e' dalösewəkewā. <sup>5</sup>A' wã ijcher buaē tò Jesucristo dē'bitu ká i' a se' nuì olo'yök. Ie' kè tò ì sulu wambleta' yēs. <sup>6</sup>E' kuəkī wépa tkérie Cristo mik, esepa kè ku'ia ì sulu wamblök. Erē wépa tò ì sulu wamblekeiā, esepa kè wã Cristo suule moki, ie'pa kè bats ie' mik. <sup>7</sup>A ye' ala'rla, a' kè e' muktsā e' kitō'uk yi a ì sulu wambloie. Yi serke yēsýēsē, ese dōr yēsýēsē wes Cristo dōr yēsýēsē es. <sup>8</sup>Erē yi tò ì sulu wambleke, ese dōr bé icha. Ie' e' wamblō sulu kuaēmi', es ie' dōr kekraē. E' kuəkī yi tò ì sulu wambleke, ese dōr ie' icha. Erē Skəkōl Alà dē'bitu e' wà dōr bé kanē kos e' olo'yökwa. <sup>9</sup>Wépa erblē Jesucristo mik, esepa kunene etökichane Wikōl Batse'r wa, ie'pa dōr Skəkōl ala'r, e' kuəkī ie'pa wák dēr wes Skəkōl wák es. E' kuəkī ie'pa kè serku'ia klöulewā ì sulu ulā a. Ie'pa dōr Skəkōl ala'r e' kuəkī ie'pa kè a ì sulu wamblēnukia. <sup>10</sup>Ì wa isuēmisō tò wépa dōr Skəkōl ala'r ö bé ala'r? Wépa kè ser yēsýēsē, kè tò s'yamipa dalēritsē, esepa kè dōr Skəkōl ala'r.

### Se' ñi dalēritsō

<sup>11</sup>Kuaē, mik a' tsá erblē' Cristo mik, e'tami ttē i' ttsē'bitu a' tō: se' ñi dalēritsō. <sup>12</sup>Kè se' kàne ñi sauk suluē wes Caín tò iël su' suluē es. Ie' dōr bé icha. Ie' tò iël kötwa. Ie' e' wamblō suluē erē iël ser yēsýēsē, e' kuəkī ie' tò ikötwa.

<sup>13</sup>A ye' yamipa, wépa kè tò Skəkōl dalöiè esepa tò a' suēke suluē, e' tã kè e' kī a' tkinuk. <sup>14</sup>Se' ñi dalēritsōke e' wa iwēnewā tò Skəkōl tò se' er mane'wēttsā pa'alī. Kam se' erblō Skəkōl mik, eta se' dōr wes s'duulewā es ie' a, erē i'ñe tã se' dōr ttsē'ka ie' a. Yi kè tò iyami dalēritsē, ese tso'ia wes s'duulewā es ie' a. <sup>15</sup>Ie' a wépa kos tò s'yamipa suēke suluē, esepa dōr s'ttōkwā wakpa. A' wã ijcher tò s'ttōkwā wakpa kos kè wã sene michoē tã'. <sup>16</sup>Jesucristo e' me'ttsā ttēwā se' skéie, e' wa ie' tò iwà kkaché tò wes se' kawōtā ñi dalēritsök. E' kuəkī se' kawōtā e' muktsā s'yamipa kīmuk se' wák er wa dō s'ttēwā ie'pa skéie ekkē. <sup>17</sup>E' kuəkī yi wã íyi tso' ká i' a, ese tò s'yamipa suē tò iweirke, erē ie' er téwā darērē iyōkī, kè tò ì kadmē ia, e' tã ¿wes ie' ichēmi tò ie' éna Skəkōl dalēr? <sup>18</sup>A ye' ala'rla, kè se' kàne ñi dalēritsök kkō è wa, e' skéie se' kawōtā ñi dalēritsök mokijē iwawatke.

19-20 Se' ñi dalëritsöke, e' wa se' wà ijcher mokië tò se' serke buaë wes Skëköl ttè moki tò ichè es. Mikle tã se' wák er tò se' kkatete tò kè se' ku' iwà iütök buaë. Erë Skëköl dör se' er tsata, ie' wà iyi ulitane jcher. E' kueki se' ñi dalëritsöke, e' tã se' er ttsë'rdaë buaë ie' wöã kè suane. 21 A yamipa dalër taië ye' éna, se' er kè tò se' kkatè, e' tã se' ttsë'rmi buaë Skëköl wöã kè suane. 22 Ie' ttè iütokesö ena ì wër buaë ie' wa ese wëkesö, e' tã ì kos kiekesö ie' a, e' meraëitö se' a. 23 Ie' ttè dalöiëno, e' dör i': se' kawöta erblök ie' alà Jesucristo mik, ñies se' kawöta ñi dalëritsök wes Cristo tò se' a iyë'at es. 24 Wépa tò ie' ttè dalöieke, esepa serke batsulewã ie' mik, ñies ie' tso' batsulewã ie'pa mik. Ie' tò iWiköl me' se' a, e' wa se' wà ijcher tò ie' tso' batsulewã se' mik.

#### A' ké ttè ulitane wà sauk buaë tò moki idir

**4** 1 A yamipa dalër ye' éna, taië kachökwakpa tso' kã wa'ñe e' chök tò ie'pa dör Skëköl ttekölpa. Esepa webló buaë tò ie'pa dör Skëköl icha ö au. 2 Wépa tò ichekeka tò Jesucristo yöne s'ditsöie, esepa dör Skëköl icha. Es a' wà ijchermi tò wépa a Skëköl Wiköl tso'. 3 Erë wépa kè tò Jesús chë es, esepa kè a Skëköl Wiköl ku'. E' skéie Cristo Bolök wiköl tso' iarak. A' wà ittseule tò ie'pa esepa datske, itso'raktke i'ñe tã kã i' a.

4 A ala'rla, a' dör Skëköl icha. Ie' Wiköl tso' a' a, e' diché taië tkòka yi tso' wépa kè tò ie' dalöieta' esepa a e' tsata. E' kueki a' e' aléka kachökwakpa ñe'pa ki. 5 Ie'pa kè tò Skëköl dalöië, e' kueki ie'pa tò s'wöbla'weke ttè ese wa. Imalepa tò ie'pa ttè ttseke buaë. 6 Erë se' kè dör es, se' dör Skëköl icha. Wépa bätse ie' mik, esepa tò se' ttè ttseke buaë. Wépa kè dör ie' icha, esepa kè tò se' ttè ttsepa. E' wa sö isuëmi tò yi tò s'wöbla'weke ttè moki wa Wiköl Batse'r wa, ö yi tò s'wöbla'weke kache ttè wa.

#### Skëköl tò se' dalëritseke taië

7 A yamipa dalër taië ye' éna, Skëköl tò se' a diché mé ñi dalëritsoie, e' kueki se' ké ñi dalëritsök. Wépa ñi dalëritsöta', esepa dör ie' icha, ñies ie'pa bätse ie' mik. 8 Skëköl wák éna s'dalër, es ie' dör, e' kueki wépa kè ñi dalër, esepa kè bats ie' mik. 9 Ie' tò ilà eköl ème e' patké' kã i' a as sene michoë dò se' ulà a ilà batamik, e' wa ie' tò se' a iwà kkaché tò se' dalër ie' éna. 10 Skëköl dalër se' éna, e' kè dör iwà. Iwà dör tò ie' tò se' dalëritsë tã ilà patkéitö ttewã se' skéie as se' nuì olo'yar.

11 A yamipa dalër taië ye' éna, ekkë Skëköl tò se' dalëritsë, e' kueki se' ké ñi dalëritsök. 12 Kè yi wà ie' suule iwöbla wa, erë se' ñi dalëritsöke mokië, e' tã e' wa iwënewã tò ie' batsulewã se' mik ena se' ñi dalëritsöke wes ie' ki ikiane es. 13 Ie' tò iWiköl me' se' a, e' wa se' wà ijcher tò se' batsulewã ie' mik ena ie' batsulewã se' mik. 14 Ñies sa' tò isu' tò S'yé tò ilà patké' kã i' a sulitane tsatkök. Ì cheke sa' tò, e' dör moki. 15 Wépa tò

iklò'wé tã icheke tò Jesús dör Skèköl Alà, esepa mik Skèköl batsulewã, ñies ie'pa batsulewã ie' mik.

<sup>16</sup>Es se' wã ijcher ena iklò'wésò tò Skèköl éna se' dalër taië. Këkraë ie' wák éna se' dalër taië. Wépa éna s'malepa dalër ena ie' dalër, esepa batsulewã ie' mik ena ie' batsulewã ie'pa mik. <sup>17</sup>Se' ñi dalëritsò wes ie' ki ikiane es, e' tã es se' serke yësyësë ká i' a wes Jesucristo ser es. Se' serke es as kè se' suar s'shulirke e' kèwö yöki. <sup>18</sup>Se' suane Skèköl yöki, e' tã e' wã kiane chè tò se' éna iane tò se' weirdaë ì sulu wamblekesö ese nuí ki. Erë wépa éna ie' dalër ena s'malepa dalër, esepa kè suane ishulirketke aishkuö tã e' yöki. E' kueki wépa suane e' yöki, e' wã kiane chè tò kam ie'pa éna ie' dalër ena s'malepa dalër buaë wes ie' ki ikiane es.

<sup>19</sup>Skèköl tò se' dalëritsë kewe, e' kueki se' ñi dalër. <sup>20</sup>Se' e' chò tò se' éna ie' dalër, erë s'yamipa erblöke Jesús mik, esepa suekesö suluë, e' tã se' tso' kachök. S'yami suésö, ese kè dalër se' éna, e' tã çwes Skèköl kè sune s'wã e' dalërmi se' éna? E' kueki se' wã ijcher tò se' e' chò es, e' tã s'tso' kachök. <sup>21</sup>Ie' tò ttè i' me'at se' a dalöie: yi éna Skèköl dalër, ese ké iyamipa dalëritsök ñies.

### Se' erblò wa se' e' alòkã ì sulu tso' ká i' a ese ki

**5** <sup>1</sup>Wépa kos tò iklò'wé mokijë tò Jesús dör wé pairine'bitü idi' wa s'blúie e', esepa dör Skèköl ala'r mokijë. Yi tò iyé dalëritseke, ese tò ila'r dalëritseke ñies. <sup>2</sup>Skèköl dalër se' éna ena ittè dalöiëno e' wã iutekesö, e' wa se' wã ijcher tò mokj se' tso' Skèköl ala'r dalëritsök ñies. <sup>3</sup>Skèköl dalër se' éna e' wã dör tò ittè dalöiëno e' wã iutekesö. Ie' ttè dalöiëno, e' kè dör darërëë se' a iutè. <sup>4</sup>E' wã dör tò wépa dör Skèköl ala'r, esepa e' alòkã ì sulu tso' ká i' a ese ki. Se' erblöke Jesús mik, e' wa se' a diché mène e' alokã ì sulu kos ese ki. <sup>5</sup>Wépa tò iklò'wé mokijë tò Jesús dör Skèköl Alà, esepa è e' alòkã ì sulu kos tso' ká i' a ese ki.

<sup>6</sup>Jesucristo dë'bitü ká i' a, e' wösuk Juan tò di' a, ñies ie' kótewã krus mik ipé tène taië; e' wa se' tò isuke tò ie' dör Skèköl Alà. Ie' kè dë'bitü wösuke è, ñies ie' dë'bitü ttèwã pé tène taië. Skèköl Wiköl tò se' a ikkacheke tò mokijë idir, ie' ttò mokijë këkraë e' kueki. <sup>7</sup>Jesucristo dör Skèköl Alà, e' wã kkayëne se' a íyi mañatökicha wa. <sup>8</sup>Skèköl Wiköl tò icheke se' a tò mokj idir, ñies ie' wösune di' a, ñies ie' kótewã krus mik ipé tène; ttè mañat e' tò icheke ñikkëë. <sup>9</sup>S'ditsö ttè klò'wésö, e' yitã Skèköl ttè klò'wëmisö buaë, e' dör ibua'ie e' kueki. E' dör ie' Alà chéitö se' a e' tté. <sup>10</sup>Yi erblöke ie' alà mik, ese wã ijcher buaë tò mokj Jesús dör ie' Alà wes ie' tò iyé' es. Erë yi kè tò iklò'wé, ese tò Skèköl sueke kachökwakie, ie' kè tò ittè klò'wé e' kueki. <sup>11</sup>Ttè e' dör i' es: Skèköl tò sene michoë meke se' a ie' Alà batamik. <sup>12</sup>Yi batsulewã ie' Alà mik, ese wã sene michoë tso'. Erë yi kè ku' batsulewã imik, ese kè wã itã'.

### Ttè bata

<sup>13</sup>Ye' tso' yëkkuö i' shtök a' erblöke Skèköl Alà mik esepa a as a' éna iar buaë tò a' wã sene michoë tso'.

<sup>14</sup>E' dör es, e' tã kè se' suane ilè kiök Skëköl a. E' wà dör tō se' wã ijcher tō ilè kiésö ie' a e' dör ì kiane ie' kî ese, e' tã ie' tō ittsé. <sup>15</sup>Se' wã ijcher tō ie' tō ittsé, e' tã se' wã ijcher tō ì kiésö ie' a, e' detke se' ulà a.

<sup>16</sup>Yile tō isué tō iyami erblöke Cristo mik, ese tso' ì sulu wamblök, erë e' kè kî ie' kichatë nuk aishkuö tã, e' tã a' kawötã ikiök Skëköl a iki tã ie' tō inuí olo'yeraë iki tã sene michoë meraëitö ia. Erë ì sulu tso' et, e' nuí kè olo'yepa Skëköl tō se' kî, e' nuí kî se' kichatërdaë wake!. Ye' kè tō icheku' tō a' tō ikió yi tō ì sulu e' wamblé ese kî. <sup>17</sup>Ì sulu kos wamblekesö, e' dör suluë S'yé wöa. Ì sulu wamblekesö kos e' nuí olo'yemiitö se' kî. Erë ì sulu chéyö ñe' è nuí kè olo'yepaitö se' kî.

<sup>18</sup>Se' wã ijcher tō wépa wã Skëköl tso' iYéie, esepa kkö'neke Skëköl Alà tō as bé kè a ie'pa or wes, e' kuekî ie'pa kè tō ì sulu wamblèia. <sup>19</sup>Se' wã ijcher tō se' dör Skëköl icha, ñies se' wã ijcher tō pè' malepa kos tso' klöulewã bé ulà a. <sup>20</sup>Ñies se' wã ijcher tō Skëköl Alà dë'bitu ká i' a, e' tō se' er ñi'wé as se' e' batsò yi dör Skëköl ichökle e' mik. I'ñe tã se' serke batsulewã yi dör ichökle e' mik, se' batsulewã ilà Jesucristo mik e' wa, e' dör Skëköl ichökle ena sene michoë e' mukwak. <sup>21</sup>A ala'rla, a' e' kkö'nú, íyi diököl tso' dalöiè ese kos yöki.